

Mahathir: Pas tak pernah memenuhi janjinya

KOTA BHARU, Rabu — Dato Seri Dr. Mahathir Mohamed hari ini mensifatkan Pas sebagai sebuah parti politik yang negatif dan tidak pernah memenuhi janji-janjinya.

Timbalan Perdana Menteri berkata sejak berbelas tahun lalu tidak banyak kemajuan dan prorek pembangunan yang dibuatnya.

Bellau menyebut demikian dalam sidang akbar setibanya di Lapangan Terbang Pengkalan Chepa di sini petang ini untuk lawatan tiga hari bagi meninjau perkembangan pilihanraya 11 Mac ini.

Ketibaannya bersama Menteri Kewangan Tengku Razaleigh Hamzah, dan Timbalan Menteri Perusahaan Utama, Encik Leiw Sip Hon disambut oleh Menteri Besar, Datuk Haji Mohamad Nasir, Setiausaha Kerja Bn Kelantan, Haji Ariffin Haji Salleh dan para pemimpin parti serta pegawai-pegawai kanan Kerajaan.

Dato Seri Dr. Mahathir berkata manifesto Pas yang diumumkan semalam sebagai omong kosong sahaja.

Beri jaminan

"Pas sebagai satu parti yang negatif dan tidak pernah menunaikan janji-janjinya," ujar bellau.

Bellau memberi jaminan, Barisan Nasional akan tetap melaksanakan semua janji-janji yang terkandung di dalam manifestonya.

Tegasnya, Barisan Nasional dengan niat yang jujur untuk membawa pembangunan dan kemajuan ke negeri ini di samping membaiki taraf kehidupan rakyatnya kepada keadaan yang lebih baik.

Kepada satu pertanyaan, Dato Seri Dr. Mahathir memberi jaminan Kerajaan Pusat tidak akan menarik balik projek-projek yang telah diuntukan kepada Kelantan di bawah Rmt walaupun Bn kalah dalam pilihanraya 11 Mac ini.

Bellau menyatakan, kiranya Kerajaan Negeri Kelantan yang dipertah oleh Pas mementingkan diri sendiri, sudah pasti tidak ada sebarang projek pembangunan dapat dijalankan.

Menurut Dato Seri Dr. Mahathir, semasa berada dalam Bn pun Pas sibuk berpolitik "mereka asyik sebok dengan hal-hal hendak membuang Datuk Haji Mohamad Nasir, sebab itu projek pembangunan tidak dapat dijalankan di Kelantan," katanya.

Katanya lagi, kalau Kerajaan Pusat memberikan peruntukan wang yang besar pun, kiranya Kerajaan negeri itu mementingkan diri sendiri mustahil pembangunan dapat dilaksanakan.

Bila diminta mengulas mengenai hasrat Pas untuk terus memelihara hubungan baik dan kerjasama dengan Kerajaan Pusat, Dato Seri Dr. Mahathir menegaskan, "dulu kita sanggup



DR. MAHATHIR

kerjasama dalam Bn, namun demikian Pas tidak pernah menghubungi kita atas sesuatu perkara yang ingin dibuatnya."

Katanya lagi, kalau semasa berada di dalam Bn tidak boleh bekerjasama, apa gunanya hendak meneruskan hasrat itu.

Dato Seri Dr. Mahathir menyatakan, Bn adalah sebuah parti yang ingin berkhidmat kepada masyarakat, "dan berkhidmat kepada masyarakat adalah salah satu daripada kebendak Islam," ujarnya.